

Jacobus Dandulus, & Andreas Donatus; quo media captae urbis trepidatione elapso, Dandulus in hostium potestatem venit. In urbe duplex nummus per id tempus percussus est: qui majoris fuit ponderis, octonis taxatus solidis, alter vero binis. Pons ad ædem Minorum tum quoque ex candido lapide constructus. Ita suburbanæ aquæ alta glacie concrevere, ut ex urbe Torcellum, Medoacum, & (quod omnino longius fuit) Clodiam usque pedibus iretur. Proditum est memoriæ, ex Mestra oppido sponfam curru Venetias advectam, quod nullis ante ætatibus acciderat, ut id aquarum, quod inter urbem est & continentem, fuerit aliqua ratione plaustris pervium. Post cladem in Hetruria ad Auferim fluvium acceptam tentassent Florentini, reparato exercitu, Picinino absente, Lucam denuo obsidere (secesserat ille post eam pugnam, ad Pontem Tremulum & alia Flischorum loca, quæ circa Alpes erant oppugnanda) nisi Bartholomæus Fornarius, Ligusticarum triremium quinque, duarumque onerariarum præfectus, Liburnium per eos dies infedisset. Quo motu veriti illi, ne aliqua Pisanorum sequeretur defectio, partem copiarum ad præsidium urbis eo mittere sunt coacti. Nec ita multo post Picininus affuit, qui mira celeritate omnia Pisani agri oppida, paucissimis exceptis, in suam potestatem redegit. Florentini, reliquis amissis, veriti ne & Pisa quoque ab victore hoste occuparentur, proposito miserabili edicto, ut priusquam candela ardens absumeretur, cives omnes a quintodecimo anno ad sexagesimum urbe decederent, suspectam civitatem multitudine exonerarunt. Ex Pisano agro in Volaterranos hostis movit: fuitque expeditio illa nihilo Pisana deterior. Cæteris ademptis, Volaterræ quoque in discrimen venissent, nisi Michael Attendulus, quem Eugenius Pontifex Florentinis miserat, oppidum maturo adventu protexisset. Hæc in Hetruria.

Mirari interim Philippus quid esset, quod Carmaniola, qui apud Urcios copias jam pridem instructas habere dicebatur, nihil ad eam diem movisset: veritus ne, velut priore bello, ab aliquo non expectato facinore quod in-

1431
Theſſaloni-
ca a Turcis
capta.

Aquæ sub-
urbanæ gla-
cie alta
concreta
plaustris
pervia fa-
cta sunt.

Florentini
de Pisis re-
tinendis ve-
hementer
laborant.

sta-